

VTT d'nuit, faut vi cha in co d'ins vie

" Depuis qu l'blaque tiete me l' demande, j'vas quand même em décider à écrire un artic pou l'revue des audax Falloit co trouver un sujet " prévient dans s'parlache d'Leuze, l'Audax ...

PHILIPPE CARTON

J'ai pessé au VTT nocturne de l'ancienne gare organisé pa l'coumarade JOJO

C'verdi là, on avoit fini d'saquer petotes su l'ceop d'trois heures après dinner. Nieu d'excuse pou nieu d'aller surtout avec el temps qui fesoit 23°.

J'ai téléphoné au président d'Lamain qu'on a surnommé " El lumchon " ed'puis l temps qu'il a traversé l'chaussée d'Bruxelles tout bellemé et qu'un chauffard à 2 gr a venu s'exstiquer d'sous el camion.

On s'avoit donné rdv à 18h30 au garache .E arrivant Pia nos a mingé " *vos n'savez nieu lire, c't a partir de 19H qui est marqué sur les panneaux* ".

El VTT d'nuit, je n'sus nieu trop amateur, j'ai toudis peu de m'rompe un ocho mais chez JOJO on counnoit toutes les carrières, j'dirois même tous les tros. On s'amis à route à tois Benoît (Mingneau) nos avoit r'joint eter temps. Direction cense boîte plache de Tourpes, Ramegnies, Basec pou arriver à l'roulotte du ravito tenue pa Rudy dit " El Blanc " et Lau " El Vitrier " ravito traditionnel avec un petit supplément d'el " saison ". Couchant nos goûts, El Blanc nous a servi un verre. Comme d'habitude.

El Lumechon a raconté deux trois couillonades avant d'lancer ce à quo on s'atendoit " **bon on l'va nieu d'aller su enne gambe** ". Après el deuxième dégustation, on s'a remis é route. Randonnée sans problème. On est retré pa Sainte Brigitte, l'incinérateur, el cinse du bois du gnolle, cimetièrre de Willaupuche et retour au garache.

On na mis directemé les veulos d've l'auto, sans savoir si après les libations on l'saroit co el sa r'trouvé.

L'ambiance de c'VTT d'nuit, faut vi cha in co d'ins vie.

D've sautes randonnées quand is ont fini i da qui s'ceurent direc, chez JOJO tout le monde retre pou boire un ceop. El garache est bondé. Les bouchons d'moinette spitint d've tous les coins. El bière de Tourpes n'est bieu sure nieu étrangère.

E'parlant d'celle chi el secretaire d'Antoing m'disoit " y a enne paire d'années qu pour li c'étoit un aphrodisiaque ". Après enne bouteille ou deux petete mais après enne sacante bouteilles pour mi cha d'vieu du " rabache-bite ".

L'président de Lamain counnoit tout le monde, résultat, les bouteilles quellint comme enne pleve. On n'savoit plu dus que cha venoit. J'avi lu dve l'gazette deux jous d'avant qui d'alloit avoir des controls de police à Leuze ce jour là et ce jusqu'à 11h par nuit. Passé ct'heure là on s'a décidé à raller, faut dire qu'on davoit assez tous les tois.



Et maintenant fo que j' d'alliche sougner mes vaques.

A bitot su el velo pou de nouvelles aventures.

El cinsier d'Leuze

